

Headline	TNB Remaco selenggara loji jana kuasa di Kuwait		
MediaTitle	Berita Harian	Language	Malay
Date	24 Jan 2024	Readership	246,756
Circulation	82,252	Page No	24
Section	Bisnes	Journalist	N/A
ArticleSize	408 cm ²		
PR Value	RM 40,686		



TNB Remaco selenggara loji jana kuasa di Kuwait

Kontrak sejarah komitmen TNB jadi peneraju kemajuan landskap tenaga global

Tenaga Nasional Bhd (TNB), menerusi anak syarikatnya, TNB Repair and Maintenance Sdn Bhd (TNB Remaco) mengembangkan perniagaan penyelenggaraan loji jana kuasa di Kuwait dengan perjanjian program penyelengga-

raan berbilang tahun untuk Loji Jana Kuasa dan Penyulingan Air Shuaiba Utara di Al Ahmadi, Kuwait.

Dalam satu kenyataan semalam, TNB berkata TNB Remaco telah membentuk satu usaha sama (JV) dengan Al Dhow Engineering yang berpangkalan di Kuwait dan turut menjalin kerjasama strategik dengan General Electric Global Services (GE Vernova).

Syarikat utiliti itu berkata, syarikat JV TNB Remaco-Al Dhow itu telah menganugerahkan kontrak perjanjian perkhidmatan jangka panjang kepada GE Vernova untuk menyediakan kerja-kerja penye-

lenggaraan turbin gas di loji itu, yang dimiliki Kementerian Elektrik, Air dan Tenaga Boleh Baharu (MEWRE) Kuwait.

Peralihan tenaga mampan
TNB berkata, perjanjian itu adalah sebahagian daripada usaha lebih luas kementerian itu untuk memodenkan infrastruktur penjanaan tenaga di Kuwait, menyumbang kepada usaha global bagi peralihan tenaga mampan.

Pengerusi TNB Remaco, Muhammad Nazri Pazil, berkata kerjasama strategik ini sejarah dengan perjanjian perkhidmatan jangka panjang kepada GE Vernova untuk menjadi peneraju dalam kemajuan landskap

tenaga global.

"Kedua-dua rakan kongsi ini mempunyai kekuatan dan keparakan masing-masing yang akan memastikan kebolehpercayaan infrastruktur tenaga Kuwait dan menyumbang kepada matlamat lebih luas dalam peralihan tenaga dan kelestarian."

"Gabungan perkhidmatan usaha sama TNB Remaco - Al Dhow dan GE dengan keupayaan digital mereka akan membantu menyokong penyelenggaraan dan prestasi jangka panjang untuk Loji Jana kuasa dan Penyulingan Air Shuaiba Utara serta memastikan loji jana kuasa itu beroperasi pada tahap kebolehpercayaan yang ter-

tinggi," katanya.

TNB berkata, di bawah kontrak lima tahun itu, rakan usaha sama akan menyediakan penyelenggaraan menyeluruh terancang dan tidak terancang untuk turbin gas dan alat bantunya di loji berkapasiiti 876 MW terbabit.

Muhammad Nazri berkata, TNB Remaco mempunyai empat lagi projek perkhidmatan penyelenggaraan di pelbagai loji jana kuasa di Kuwait.

"Kuwait adalah satu daripada pasaran antarabangsa terbesar kami di samping operasi antarabangsa lain termasuk Arab Saudi, Pakistan, Kemboja dan Vietnam," katanya.

BERNAMA



Muhammad Nazri (lima dari kiri) bersama dokumen perjanjian pada Persidangan Perubahan Iklim Pertubuhan Bangsa-Bangsa Bersatu (COP28) di Dubai.
(Foto Ihsan TNB)